

REGIONAL NEWS UNIT
ALL INDIA RADIO, AGARTALA
Date: 08-04-2024
Time: 07:55-08:05 PM Hrs
BENGALI EVENING BULLETIN

Headlines :

- (১) লোকসভা নির্বাচনের দ্বিতীয় পর্যায়ের মনোনয়ন পত্র প্রত্যাহারের আজ ছিল শেষদিন ।
- (২) মনোনয়নপত্র প্রত্যাহার প্রক্রিয়া শেষে পূর্ব ত্রিপুরা লোকসভা আসনে মোট ৯ জন প্রার্থী প্রতিদ্বন্দ্বিতায় রয়েছেন ।
- (৩) রাজ্যে লোকসভা নির্বাচনে বাড়ি বাড়ি গিয়ে ভোট গ্রহণের কাজ আগামী ১০ই এপ্রিল থেকে শুরু হবে ।
- (৪) বরিষ্ঠ বিজেপি নেতা, প্রধানমন্ত্রী নরেন্দ্র মোদি দেশের প্রতিটি আদিবাসী পরিবারের জীবনযাত্রার উন্নতির নিশ্চয়তার প্রতিশ্রুতি দিয়েছেন।

Withdrawal of Nomination Completed :

লোকসভা নির্বাচনের দ্বিতীয় পর্যায়ের মনোনয়ন পত্র প্রত্যাহারের আজ ছিল শেষদিন। এই পর্বে, আগামী ২৬শে এপ্রিল ১২টি রাজ্য ও কেন্দ্রশাসিত অঞ্চলের ৮৮টি লোকসভা আসনে এবং আউটার মণিপুর লোকসভা কেন্দ্রের অবশিষ্ট অংশের জন্য

ভোটগ্রহণ হবে। আউটার মণিপুর কেন্দ্রের একটি অংশে ১৯শে এপ্রিল প্রথম দফায় ভোট হবে।

East Tripura Lok Sabha Constituency :

পূর্ব ত্রিপুরা লোকসভা আসনে মোট ৯ জন প্রার্থী প্রতিদ্বন্দ্বিতায় রয়েছেন। আজ মনোনয়নপত্র প্রত্যাহার প্রক্রিয়া শেষে সাংবাদিক সম্মেলনে একথা জানান এই কেন্দ্রের রিটার্নিং অফিসার সাজু ওয়াহিদ। তিনি জানান, কোনো প্রার্থীই মনোনয়নপত্র প্রত্যাহার করেননি। উল্লেখ্য, এই আসনে ৯ জন প্রার্থীই মনোনয়ন জমা করেছিলেন। ৫ই এপ্রিল মনোনয়ন পত্র পরীক্ষায় সব প্রার্থীর মনোনয়নপত্র বৈধ বলে ঘোষণা করা হয়েছিল। উল্লেখ্য, প্রধান দলগুলির মধ্যে, এই কেন্দ্রে বি জে পি প্রার্থী কৃতি দেবী দেববর্মণ, ইন্ডিয়া জোট সমর্থিত সি পি আই এম প্রার্থী রাজেন্দ্র রিয়াং প্রতিদ্বন্দ্বিতা করবেন। তাছাড়া বাকি ৭ জন নির্দল প্রার্থী। এদিকে, রিটার্নিং অফিসার সাজু ওয়াহিদ আজ প্রতিটি রাজনৈতিক দলের প্রার্থীদের নিয়ে একটি বৈঠক করে আদর্শ নির্বাচনী আচরনবিধি নিয়ে কমিশনের সর্বশেষ নির্দেশিকা সম্পর্কে তাদের অবহিত করেন। বৈঠকে নির্বাচন কমিশনের সাধারণ পর্যবেক্ষক ও কেন্দ্রীয় পুলিশ পর্যবেক্ষক উপস্থিত ছিলেন। শ্রী ওয়াহিদ জানান, নির্বাচন বিধি পালন নিয়ে যে কোনো অভিযোগ জানাতে সি-ভিজিল নামে মোবাইল অ্যাপ ব্যবহার করা যেতে পারে।

Chief electoral officer-PRTI :

রাজ্যে লোকসভা নির্বাচনে বাড়ি বাড়ি গিয়ে ভোট গ্রহণের কাজ আগামী ১০ই এপ্রিল থেকে শুরু হবে। আগরতলার পঞ্চায়েতী রাজ প্রশিক্ষণ কেন্দ্রে আজ নির্বাচনী সহিংসতা ছাড়া ভোটগ্রহণ শীর্ষক এক অনুষ্ঠানে বক্তব্য রাখতে গিয়ে মুখ্য নির্বাচনী আধিকারিক পুনীত আগরওয়াল একথা জানান। তিনি বলেন, পশ্চিম ত্রিপুরা লোকসভা আসনের জন্য আগামী ১০ ও ১২ই এপ্রিল এবং পূর্ব ত্রিপুরা লোকসভা আসনের জন্য ১৭ ও ১৮ই এপ্রিল বাড়ি বাড়ি গিয়ে ভোটগ্রহণ প্রক্রিয়া শুরু হবে। শ্রী আগরওয়াল বলেন, গত লোকসভা নির্বাচনে রাজ্যে ৮৩ শতাংশ ভোট পড়েছিল। এবার ভোট প্রদানের হার আরও বৃদ্ধি করাই নির্বাচন কমিশনের মূল লক্ষ্য।

অনুষ্ঠানে মুখ্যসচিব জে কে সিনহা বলেন, সম্প্রতি ভারতের নির্বাচন কমিশন আয়োজিত এক সর্বভারতীয় সভায় ২০২৩ সালের ত্রিপুরা বিধানসভা নির্বাচন সম্পূর্ণ হিংসামুক্তভাবে আয়োজন করার জন্য রাজ্যের প্রশংসা করা হয়েছে। তিনি উপস্থিত সমস্ত আধিকারিকদের নির্বাচন সুষ্ঠু, সুন্দর ও উৎসবের মেজাজে সম্পন্ন করার লক্ষ্যে রাজনৈতিক দল এবং প্রার্থীদের সঙ্গে নিবিড় সম্পর্ক রাখা এবং তাদের নির্বাচনী প্রক্রিয়া সম্পর্কে বিভিন্ন অভিযোগ দ্রুত নিষ্পত্তি করার পরামর্শ দেন।

রাজ্য পুলিশের মহানির্দেশক অমিতাভ রঞ্জন বলেন, সুষ্ঠু ও হিংসামুক্ত নির্বাচনের জন্য যথাযথ পদক্ষেপ গ্রহণ করা হচ্ছে। তিনি জানান, গত পয়লা মার্চ থেকে এখন পর্যন্ত সারা রাজ্যে মোট ২ হাজার ৫০০-এর উপর ফ্ল্যাগমার্চ করা হয়েছে। গত ১ মাসে প্রায় ৯ কোটি টাকার অবৈধ সামগ্রী বাজেয়াপ্ত করা হয়েছে।

दक्षिण त्रिपुरा जेलार जेलाशासक ड. सिद्धार्थ शिव जयसोयल मिशन निर्भीक-एर उपर एकटि तथ्याचित्र निसे आलोचना करेन।

अनुष्ठाने उपस्थित छिलेन सेट पुलिश नोडाल अफिसार जि एस राओ, स्वराष्ट्र सचिव ड. पि के चक्रवर्ती, डिजिपि (इन्टिजिजेन्स) अनुराग, विएसएफ-एर आईजि पिषुष प्याटेल एवं सिएपिएफ-एर आईजि डि एल गोला। ताछाड़ाओ अनुष्ठाने जेला निर्वाचन आधिकारिकगण, ८ जेलार पुलिश सुपार सह अन्यान्य आधिकारिकगण उपस्थित छिलेन।

Election-Security Force :

आसन्न लोकसभा निर्वाचन शान्तिपूर्णभावे सम्पन्न करार लक्ष्ये राज्ये मोट चौराशि कोम्पानि केन्द्रीय निरापत्ता बाहिनीके मोतायन करा हयेछे। एदेर मध्ये ४ हजार ७८० जन विएसएफ एवं १ हजार ७७८ जन सिआरपिएफ जओयान। सब मिलिये ७ हजार ४८ जन निरापत्ता कर्मीके मोतायन करा हयेछे। निर्वाचनके सामने रेखे एखन पर्यन्त सारा राज्ये प्रिभेन्टिभ एरेस्ट करा हयेछे प्राय दश हजार जनके। ताछाड़ा ओयारेन्ट एवं निर्दिष्ट मामलाय आरो प्राय १ हजार २०० जनके ग्रेफतार करा हयेछे बले ए आई जि आइन-शृङ्खला ज्येतिश्वान दास चोधुरी आज आकाशवाणीके एखबर जानान।

तिनि जानान, त्रिपुरा थेके टि एस आर ब्याटालियानेर पाँच कोम्पानिके निर्वाचने निरापत्तार काजे महाराष्ट्र पाठानो हछे। इतिमध्ये तिन कोम्पानि गन्तव्यस्थले पोँछे गेछे। बाकि दुई कोम्पानि आगामीकाल महाराष्ट्रेर उद्देश्ये रओयाना हवे।

PM, Campaign :

বরিষ্ঠ বিজেপি নেতা, প্রধানমন্ত্রী নরেন্দ্র মোদি দেশের প্রতিটি আদিবাসী পরিবারের জীবনযাত্রার উন্নতির নিশ্চয়তার প্রতিশ্রুতি দিয়েছেন। আজ ছত্তিশগড়ের বস্তারে আমাবল গ্রামে আয়োজিত জনসভায় ভাষণে প্রধানমন্ত্রী বলেন যে দেশের উন্নয়ন এবং দেশের প্রতিটি পরিবারকে সমৃদ্ধ করাই তাঁর লক্ষ্য।

তিনি দাবি করেন, গত ১০ বছরে কেন্দ্রের বিজেপি সরকার দরিদ্রদের কল্যাণে অনেক পরিকল্পনা করেছে। তিনি বিগত দিনে কংগ্রেস সরকারের কাজকর্মের সমালোচনা করেন।

Congreas :

কংগ্রেসের তারকা প্রচারক রাহুল গান্ধী আজ মধ্যপ্রদেশের সিওনি জেলার ধানৌরায় জনসভায় ভাষণ দেন। তিনি বলেন, আদিবাসীরাই এই দেশের এবং এই জমির প্রথম মালিক। এই প্রসঙ্গে তিনি বিজেপির চিন্তাভাবনার সমালোচনা করেন।

শ্রী গান্ধী আজ শাহদোলে একটি নির্বাচনী সমাবেশে ভাষণ দিচ্ছিলেন।

Election Guwahati :

ইন্ডিয়ান ইনস্টিটিউট অফ মাস কমিউনিকেশন অ্যালামনি অ্যাসোসিয়েশনের (আইআইএমসিএএ) এক্সিকিউটিভ প্রেসিডেন্ট গায়ত্রী সিনহা শ্রীবাস্তব গতকাল গুয়াহাটিতে এক অনুষ্ঠানে

বলেন,, সংবাদ মাধ্যম গণতন্ত্রের অক্সিজেন, এবং সুস্থ মিডিয়া গণতন্ত্রকে শক্তিশালী করতে এবং এটিকে স্বাস্থ্যকর ও প্রাণবন্ত করে তুলতে বড় আকারে অবদান রাখতে পারে, বিশেষত লোকসভা নির্বাচনের সময়।

উত্তর-পূর্বাঞ্চল জুড়ে আইআইএমসির বেশ কয়েকজন প্রাক্তন শিক্ষার্থী এই বৈঠকে অংশ নেন।

বিশেষ অতিথি হিসেবে বক্তব্য রাখতে গিয়ে প্রবীণ উপস্থাপক এবং ইন্ডিয়ান ইনফরমেশন সার্ভিসের প্রাক্তন কর্মকর্তা অশ্বিনী বড়ুয়া বলেন, গত অর্ধ শতাব্দীতে তথ্য সম্প্রচার একটি অবিশ্বাস্য রূপান্তরের মধ্য দিয়ে গেছে।

World Health Day-Quiz :

বিশ্ব স্বাস্থ্য দিবস উপলক্ষে আগরতলা গভর্নমেন্ট মেডিকেল কলেজ এর কমিউনিটি মেডিসিন বিভাগের উদ্যোগে আজ ডাক্তারি পড়ুয়া ছাত্রছাত্রীদের মধ্যে কুইজ প্রতিযোগিতা অনুষ্ঠিত হয়। অনুষ্ঠানে কমিউনিটি মেডিসিন বিভাগের প্রধান ডা: সুব্রত বৈদ্য বলেন, সারাদেশে ৪০০টি মেডিকেল কলেজে এই ধরনের অনুষ্ঠান করা হচ্ছে। প্রায় ২৬ হাজার ছাত্রছাত্রী তাতে অংশগ্রহণ করেছেন। 'আমার স্বাস্থ্য আমার অধিকার'। এই বিষয়ে ছাত্রছাত্রীদের সচেতন করার লক্ষ্যেই এই কুইজ প্রতিযোগিতা আয়োজন করা হয়েছে।

Central Minister Arjun Munda :

কেন্দ্রীয় জনজাতি কল্যাণ মন্ত্রী অর্জুন মুন্ডা লোকসভা নির্বাচনের প্রচারে আজ রাজ্যে এসেছেন। তিনি আজ সকালে আগরতলার পশ্চিম ত্রিপুরা আসনে বিজেপি প্রার্থী সাংসদ বিপ্লব কুমার দেবের সমর্থনে ১৯টি জনজাতি সমাজের সমাজপতিদের সঙ্গে মত বিনিময় করেন। তাদের সমস্যাগুলিও শোনেন। অনুষ্ঠানে রাজ্যের জনজাতি কল্যাণমন্ত্রী বিকাশ দেববর্মাও ভাষণ দেন। উপস্থিত ছিলেন শিল্প ও বানিজ্য মন্ত্রী শান্তনা চাকমা।

CM-Charilam :

মুখ্যমন্ত্রী অধ্যাপক ডা: মানিক সাহা আজ চড়িলামে পশ্চিম ত্রিপুরা লোকসভা আসনের বি.জে.পি প্রার্থী বিপ্লব কুমার দেবের সমর্থনে একটি রোড শো'তে অংশ নেন। মুখ্যমন্ত্রীর সঙ্গে ছিলেন প্রাক্তন উপ-মুখ্যমন্ত্রী যীক্ষু দেববর্মন, ত্রিপুরা শিল্প উন্নয়ন নিগমের চেয়ারম্যান নবাদল বণিক, বি.জে.পি সিপাহীজলা উত্তরাংশের সভাপতি গৌরাঙ্গ ভৌমিক, মন্ডল সভাপতি রাজকুমার দেবনাথ প্রমুখ।

Workshop on Child Rights-Kailashahar :

শিশুদের আইনগত অধিকার বিষয়ে এক প্রশিক্ষণ তথা কর্মশালা আজ কৈলাশহর টাউন হলে অনুষ্ঠিত হয়। আয়োজনে ছিল, ঊনকোটি জেলা আইনসেবা কর্তৃপক্ষ। বক্তব্য রাখেন, জেলা আইনসেবা কর্তৃপক্ষ এর সচিব বিচারক দীপা ভট্টাচার্য, জুভেনাইল জাস্টিস বোর্ডের মুখ্য বিচারক পাপড়ি দেববর্মা, সমাজ কল্যাণ ও

সমাজশিক্ষা দপ্তরের জেলা পরিদর্শক বিদ্যাসাগর দেববর্মা,
আইনজীবী বিজন কুমার সিংহ প্রমুখ।

Rally of BJP at Gandatwisa :

পূর্ব ত্রিপুরা উপজাতি সংরক্ষিত আসনে বিজেপি প্রার্থী কৃতি সিং দেববর্মার সমর্থনে আজ গন্ডাতুইসা মহকুমার রাইমাভ্যালিতে তিপ্রা মথা দলের এক নির্বাচনী সভা অনুষ্ঠিত হয়। মনোরঞ্জনদাস পাড়ার পিছলিগাছ বাজারে আয়োজিত এক জনসভায় বক্তব্য রাখেন এডিসি সদস্য রাজেশ ত্রিপুরা, তিপ্রা মথা দলের নেতা ক্ষত্রজয় রিয়াং, বাসুদেব চাকমা ও রতন বিকাশ চাকমা।

Election-BJP President :

বিজেপি রাজ্য সভাপতি রাজীব ভট্টাচার্য আজ আগরতলায় বনমালিপুর ও রামনগরে পশ্চিম ত্রিপুরা লোকসভা নির্বাচনে বিজেপি প্রার্থী বিপ্লব কুমার দেবের সমর্থনে বাড়ি বাড়ি ভোট প্রচার করেন। এদিকে, বিজেপি প্রার্থী সাংসদ বিপ্লব কুমার দেব আজ আগরতলার জগৎপুরে শক্তিকেন্দ্র বৈঠকে অংশগ্রহণ করেন।

India Block Camping-South Tripura :

পশ্চিম ত্রিপুরা লোকসভা আসনের ইন্ডিয়া জোট সমর্থিত কংগ্রেস প্রার্থী আশীষ কুমার সাহার সমর্থনে আজ শান্তিরবাজার মহকুমার বেতাগা, লাউগাং ও গাঙ্গাং বাজারে নির্বাচনী প্রচার সভা অনুষ্ঠিত

হয়। সভাগুলিতে বক্তব্য রাখেন বিধায়ক দীপংকর সেন, প্রাক্তন মন্ত্রী মনীন্দ্র রিয়াং, প্রার্থী আশীষ কুমার সাহা ও সিপিআইএম বিলোনিয়া মহকুমা সম্পাদক তাপস দত্ত প্রমুখ।

আজ রাজনগরেও ইন্ডিয়া জোটের এক নির্বাচনী সমাবেশ অনুষ্ঠিত হয়। সমাবেশে বক্তব্য রাখেন সিপিআইএম রাজ্য সম্পাদক জিতেন্দ্র চৌধুরী, বিধায়ক সুদীপ রায় বর্মণ, প্রাক্তন বিধায়ক সুধন দাস, প্রার্থী আশীষ কুমার সাহা কংগ্রেসের নেতা রাজেশ লিলটিয়া প্রমুখ বক্তব্য রাখেন।

Congress Deputation :

রাজ্যে আসন্ন লোকসভা নির্বাচন সুষ্ঠুভাবে সম্পন্ন করার জন্য প্রদেশ কংগ্রেসের পক্ষ থেকে দাবি জানানো হয়েছে। সর্বভারতীয় কংগ্রেস নেত্রী জারিতা লাইতফ্লাং-এর নেতৃত্বে এক প্রতিনিধিদল আজ পশ্চিম ত্রিপুরা লোকসভা আসনের রিটার্নিং অফিসার ডা: বিশাল কুমারের সঙ্গে সাক্ষাৎ করে এই দাবি জানান।

I.N.D.I.A Bloc-Kumarghat :

আসন্ন লোকসভা নির্বাচনকে সামনে রেখে ইন্ডিয়া জোটের উদ্যোগে আজ ঊনকোটি জেলার কুমারঘাটের হালাইমুড়াতে এক নির্বাচনী সভা অনুষ্ঠিত হয়। বক্তারা কেন্দ্র ও রাজ্য সরকারের সমালোচনা করেন। বক্তব্য রাখেন, প্রাক্তন বিধায়ক সমীরণ মালাকার, প্রদেশ কংগ্রেসের সাধারণ সম্পাদক তরুণ সাহা, C.P.I (M) এর মহকুমা সম্পাদক মিন্টু চন্দ্র দাস প্রমুখ।

BJP-Fatikroy :

আজ উনকোটি জেলার ফটিকরায়ে নজরুল কলাকেন্দ্রে B.J.P'র এক সাংগঠনিক সভা অনুষ্ঠিত হয়। এখানে ভাষণ দিতে গিয়ে ২নং পূর্ব ত্রিপুরা সংসদীয় আসনের B.J.P মনোনীত প্রার্থী কৃতি দেবী দেববর্মণ বলেন, বি,জে,পি সবসময়ই মানুষের কল্যাণ, দেশের উন্নতির জন্য কাজ করে। তিনি বিরোধী কংগ্রেস ও সি পি আই (এম) এর নীতি ও কাজকর্মের সমালোচনা করেন। বক্তব্য রাখেন শ্রমমন্ত্রী টিংকু রায়, প্রাণীসম্পদ বিকাশ মন্ত্রী সুধাংশু দাস, বি,জে,পি'র প্রদেশ মুখপাত্র অস্থিতা বণিক প্রমুখ।

এদিকে বৈঠক শেষে এক মিছিল ফটিকরায়ে বিভিন্ন পথ পরিক্রমা করে।

State wise 15 Cricket :

টিসিএ পরিচালিত অনূর্ধ্ব ১৫ বছরের রাজ্যভিত্তিক ক্রিকেট প্রতিযোগিতায় আজ সাতটি খেলা হয়। এতে তেলিয়ামুড়ার মাঠে স্বাগতিক তেলিয়ামুড়া ৫ উইকেটে খোয়াইকে, রাণীরবাজার মাঠে জিরাণীয়া ৪ উইকেটে সোনামুড়াকে, বিশালগড়ের মাঠে স্বাগতিক বিশালগড় ৭ উইকেটে মোহনপুরে, ধর্মনগরের মাঠে কমলপুর ৫৮ রানে গন্ডাছড়াকে, কৈলাসহরের মাঠে লংতরাইভ্যালী ২৫ রানে স্বাগতিক কৈলাসহরকে, উদয়পুরের মাঠে শান্তিরবাজার ৬ উইকেটে অমরপুরে এবং শান্তিরবাজার মাঠে উদয়পুর ৯ উইকেটে বিলোনীয়াকে পরাজিত করে।

T20 Cricket :

টিসিএ পরিচালিত সমীরণ চক্রবর্তী স্মৃতি ঘরোয়া টি-২০ ক্রিকেট প্রতিযোগিতায় আজ ছয়টি খেলা অনুষ্ঠিত হয়। নরসিংগড়ের টিআইটি মাঠে অনুষ্ঠিত দুটি খেলায় স্ফুলিঙ্গ ক্লাব ১৭ রানে পোলস্টার ক্লাবকে এবং সংহতি ক্লাব ২ উইকেটে ওল্ড প্লে সেন্টারকে হারিয়ে দেয়। এম বি বি স্টেডিয়ামে দুটি খেলায় ইউনাইটেড ফ্রেন্ডস ৫৭ রানে শতদল সংঘকে এবং কসমোপলিটান ক্লাব ৪০ রানে চলমান সংঘকে পরাজিত করে। এছাড়া নরসিংগড়ের পিটিএ মাঠে অপর দুটি খেলায় ইউনাইটেড বি এস টি ৪ উইকেটে হার্ভে ক্লাবকে এবং ব্লাডমাউথ ক্লাব এক রানে জয়নগর ক্রিকেট ক্লাবকে পরাজিত করে।

Weather :

আগামীকাল আকাশ সাধারণত মেঘাচ্ছন্ন থাকবে। তাপমাত্রা সর্বোচ্চ চৌত্রিশ ডিগ্রী এবং সর্বনিম্ন চব্বিশ ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল একত্রিশ দশমিক আট ডিগ্রী এবং সর্বনিম্ন বাইশ দশমিক সাত ডিগ্রী সেলসিয়াস। আগামী চব্বিশ ঘণ্টায় রাজ্যের সব জেলায় বিক্ষিপ্তভাবে বজ্র বিদ্যুত সহ বৃষ্টি সঙ্গে ঘণ্টায় ত্রিশ থেকে চল্লিশ কিলোমিটার বেগে ঝড়ো হাওয়া বয়ে যাওয়ার সতর্কতা জারি করেছে আবহাওয়া দপ্তর।
